

百
名
家
詩
選

序

詩莫盛于唐而唐人選唐詩者
不過殷元六家亦綦嚴矣 昭
代詩不讓于初盛登壇論定者
不啻數十家豈古人固拙哉抑

卷之八

今人多能事也余詩不逮古人
亦不敢溷今人之選獨俯心于
魏子惟度盖惟度閩產也閩中
山水奇秀甲天下咸萃于文人
之身自林鴻子羽崛起談詩一

時相唱和者有十子之稱嗣是
鄭繼之俎豆少陵陳幼孺伯孺
徐幔亭鰲峰頡頏一代爲中原
所景仰而惟度令祖南臺先生
以太觀察歸養八十春秋獨擅

著作與于鱗元美縱橫于嘉隆
之間使碌碌餘子不敢仰跡
惟度之家學旣淵秘淑猶邇一
出而操選定之權天下不得而
議之也然不但此也余嘗見閩

之選家矣高廷禮品彙精心研
究有鑒別之材鄧汝高正聲嚴
慎體裁著弘博之譽何匪我明
文徵采詩最多綱羅闕失標新
異之目已與濟南之選竟陵之

歸膾炙人口惟度置不問而獨
爲能始曹宗伯補石倉之選也
我知之矣蓋能始一代鴻才嘗
言釋有藏而儒無藏欲以石倉
代儒藏之缺故上遡十二代搜

別幾備而輟業後惟度復爲嗣
續且皇皇焉慮鼎革之際忝離
塞道兵燹頻仍先輩遺篇散失
無存不憚以強仕方至之身爲
名山千秋之業弘攬昭代碩

篇博採啓禎逸稿探石室未出
之奇懸國門不易之書惟度之
志固深且遠矣余髫年受知于
芮公周夫子得追隨于石齋東
崖若柳諸先生後親覩乎閩之

多才久矣惟度訪我梅花村中
把酒談碁之不暇日出諸名集
手錄而心志之今所爲補石倉
者犁狀在天壤間也豈復與尋
常選詩沾沾一二言者同日語

哉余欲褰裳從之矣

皆

康熙辛亥夏日太倉年家弟吳
偉業梅邨拜書于虎丘之舟

次

凡例

一是選以人爲重人以品節爲主或理學紹古
或經濟匡時或正色廟廊或敦行草野皆兩
間正氣一代偉人衡量之間寧嚴不濫事緣
實著人以類從

一先達詩集表見當世者石倉曹先生前選收
羅已得八九茲于世遠者槩不復及惟于夫
啓甲子以後康熙壬子以前毋論仕隱皆得
補入以成全書

一四方名彥河山阻絕搜訪有心郵筒莫致或
僅嘗寸嚮或未見一斑今就篋中所存先付
剞劂尚期海內同人共懷懿好各出秘藏以
光風雅

一諸君子人各一集集係一序或取之秦疏語
錄或取之豐碑行狀或得之實聞實見皆畧
次其生平至原集序文有可採錄者亦所不
遺庶幾存其詩以存其人焉耳

一邇來選詩多表章同時已赴玉樓之召終淹

石室之藏故是集所載不問存沒一以佳篇
爲主凡我同人有慈孝至情生死交誼者勿
靳遺稿悉付拔尤

一余詩持之選自一集至三集皆有評點雖不
敢遽爲定見亦快一時心目茲集因照石倉
原刻期于板式一樣以成大觀故不敢僭加
評騭

一各家之詩有以體序者有以類序者有以時
與地序者各從原本未敢擅爲改易

一近來逸家如栢鄉魏相國之觀始瀾洞二集
顧茂倫之驪珠英華詩鈔田髯淵之高言集
陳伯璣之詩慰鄧孝威之詩觀徐松之之雲
山酬唱多不勝述俱見博採苦心業已行世
是選不敢雷同以滋物議

兩峰居士魏 憲惟度書

百家詩選

登選姓氏 以得詩之先後爲次

魏裔介

石生 貞菴 詩二十六

直隸栢鄉人

李 霽

景喬 坦園 詩二十九

直隸高陽人

王崇簡

敬哉 詩九

順天宛平人

龔鼎孳

孝升 芝麓 詩三十一

江南廬州人

梁清標

玉立 蒼巖 詩十二

直隸真定人

王 熙

子雍 胥庭 詩八

順天宛平人

錢謙益

受之 牧齋 詩十三

江南常熟人

吳偉業

駿公
詩十九

梅村

江南太倉人

曹溶

鑒躬
詩十四

秋岳

浙江秀水人

申涵光

孚孟
詩二十八

鳧盟

直隸永年人

曹申吉

澹餘
詩二十

山東安丘人

佟鳳彩

高岡
詩十一

奉天遼陽人

楊思聖

猶龍
詩三十二

直隸鉅鹿人

戴明說

道默
詩二十

直隸滄州人

沈荃

貞蕤
詩十九

繹堂

江南華亭人

陳廷敬

子端
詩二十

說巖

山西澤州人

王士祿

子底

西樵

山東新城人

引二

王士禎

貽上

阮亭

山東新城人

引二

曹爾堪

顧菴

浙江嘉善人

引二

施閏章

尚白

愚山

江南宣城人

引二

嚴沆

子餐

顯亭

浙江餘杭人

引一

朱璇

王叔

荔裳

山東萊陽人

引二

張永祺

爾成

順天大興人

引一

梁清寬

敷五

直隸真定人

引一

范承謨

觀公

奉天瀋陽人

引二

錢謙益

登選

二 柳溪堂

范承斌

允公
詩附

奉天瀋陽人

范承烈

彥公
詩附

奉天瀋陽人

魏裔魯

竟甫
詩十九

直隸栢鄉人

孔衍樾

心一
詩三十二

山東曲阜人

郜煥元

凌玉
詩二十

直隸長垣人

陳寶鑰

綠厓
詩十三

福建晉江人

柯聳

岸初
詩九

素培

浙江嘉善人

毛達

錦來
詩十六

上海人

成性

我存
詩十八

率菴

江南和州人

程可則

周壘詩二十

湟榛

廣東南海人

周令樹

計百詩九

河南延津人

李衷燦

蔡仲詩十四

梅邨

江南無爲人

傅爲霖

賜谷詩十四

石潞

福建南安人

程雲

天翼詩十三

山東萊蕪人

嚴曾渠

方貽詩七

柱峯

浙江餘杭人

顧大申

見山詩十

江南華亭人

陸求可

咸一詩二十六

密菴

江南山陽人

周體觀

伯衡詩十二

直隸遵化人

王日高

登孺詩十四

北山

山東荏平人

范周

雪樵詩三十九

江南吳縣人

王紫綬

夢航詩十四

河南輝縣人

竇鄰奇

德邁詩二十二
松濤

直隸大名人

王追騏

錦之詩十
雪洲

湖廣黃岡人

李贊元

匡侯詩二十一
素園

福建龍溪人

紀映鍾

伯紫詩十二
葉子

江南江寧人

劉六德

智侯詩八

直隸大名人

王蒞若

石筍詩五

直隸元城人

宋

翔

子飛
詩六

順天宛平人

孔興鈞

紹先
詩八

山東曲阜人

申涵盼

隨叔
十四

定觴

直隸永年人

袁佑

杜少
詩十

直隸東明人

毛芳升

允大
詩五

乳雪

浙江遂安人

梅清

淵公
詩十九

瞿山

江南宣城人

計東

甫草
詩十二

江南吳江人

趙威

書痴
詩十

陝西涇縣人

孟瑤

二青
詩十八

河南汲縣人

登選

登選

四

七

程啓朱

念伊詩十六

湖廣黃岡人

楊輝斗

潤丘詩十一

湖廣荊門人

成光

仲謙詩十二

直隸大名

黃伸

美中詩六

直隸元城人

黃任

志伊詩五

直隸元城人

張祖詠

又益詩十四

四川內江人

張鴻儀

企麓詩十

直隸元城人

張鴻佑

念麓詩四

直隸元城人

劉友光

杜三魚計詩二十二

湖廣攸縣人

戴其員

雪看詩十八

江南桐城人

李念慈

岷瞻詩十七

劬菴

陝西涇陽人

陸興

雪熊詩十七

江南揚州人

沈道映

鑑亭詩十六

彥徹

江南華亭人

朱驊

汗朱詩四

直隸涇縣人

孫郁

雪崖詩一七

直隸元城人

劉元徵

夢閣詩十六

直隸大名

楊州彥

宜樓詩十一

湖廣當陽人

楊思本

因之詩二十四

山東新城人

劉維禎

瑞公詩二十

江南武進人

王澤弘

渭來吳廬詩四十二

湖廣黃岡人

丘象升

曙戎詩二十

江南山陽人

葉雷生

蓉菴詩三十五

浙江錢塘人

宗元鼎

定九詩十三

江南江都人

毛師柱

亦史端峯詩十二

江南太倉人

黃之鼎

訥菴詩七

直隸元城人

曹玉珂

陸海詩二十四

陝西富平人

吳學炯

星若南溪詩二十三

江西南城人

釋讀徹

蒼雪詩七

雲南

人

釋大依

南菴詩十三

引一福建莆田人

魏憲

惟度兩峯詩三十四

引一福建福清人

小引

魏子曰余讀嶼舫前後二集不勝今昔知己之感也何也栢鄉先生宰天下統百官貴矣關賢路育人材榮矣業留天壤勲光史冊悠且久矣道德之言濂洛之旨紹往開來焉尊且富矣暫息林泉長懷廬墓孝且仁矣著述日新子孫法之奕世守焉博且永矣余小子幾幾日取其詩僭越論次不幾移卷石于泰岱加勺水于彭蠡乎曰非狀也蓋先生之知余也以詩而余之佩

服先生也亦以詩憶予浪迹入燕僑居蕭寺息
蔭長松之下酒酣耳熱呼鳴自勞間爲小令播
諸管絃使優伶數輩雜還環倡予倚洞簫和之
以稍洩其怫鬱無聊之概人或目爲狂生先生
聞之笑曰此而不狂誰當狂者時枉車騎賁予
于稠人廣坐中觀者咤爲殊遇而先生禮益恭
謙益著余執鞭導送逡巡于金闥玉闕之間臨
岐以嶼舫詩相贈珍重行篋翻刻雲間紙貴一
時日月如輦忽六七年先生 予告家居予北

轅過衛密邇典型修尺一走候先生貽我好音
云海內風雅落落晨星兄臺逸才妙品寢食三
唐沐浴漢魏所著作選定喬雲瓊枝何足以云
况邱鄘居二南之次詩人性情千載如生文旌
在彼必有楊圻爲不朽盛事復示余輿觴新篇
皆出都別友家食戀闕之懷所積而成者也
其爲氣也厚其爲詞也昌其爲旨也婉矣乎伏
枕讀之恍長安市上爲先生攬轡授綬時也先
生其真余之知己也哉

百名家詩選

福清魏 憲惟度輯選

宣城施閏章愚山 含山李衷燦梅邨

黃岡程啟朱念伊 無錫顧貞觀華峰

魏裔介 字石生號貞菴柏鄉人

觀滄海

滄海非東崑崙非西倬彼天漢元氣混齊蓬萊
三山是耶非耶銀臺金闕矣不乘槎潤色萬物
震蕩九土沐日浴月天樞地戶幸甚至哉歌以

詠志

子夜吳歌

燕京女兒多何如吳下好
豈蒨花正開甘作閨
中老

鐵甕城邊路掛帆到揚州
儂欲隨歡去不是覓
封侯

玉泉篇

嗚呼人間風濤何其深
洞庭旣波瀾頽侵長鯨
磯齒若霜鐔左徒空弔楚
江濤彼君子兮大川

舟楫濟一世而爲心

擬龜山操

望東魯兮龜山蔽之豈不懷歸畏羣婢之我疑
山之陰其雨瀟瀟父母之邦實勞我思龜山龜
山吾將移爾填滄涯

朝起獨坐

病瘥久閉門坐息待其處濛濛太古涵雲物自
來去雙樹植庭陰一鳥向人語我心澹無營冥
朕安所助

讀杜子美詩

古作多蔚跂，茲編實云聖。盥手展縹帙，肅然起
恭敬。世人誦公詩，擷芳資游泳。我誦見公心，楷
模性情正。收瑄雖云非，其意實孤勁。一蹟不復
收，驕驪終遠屏。有語不忘君，愴怛忠愛盛。飄泊
蠶叢間，櫛櫞長饒柄。路阻豺虎多，身傍干戈橫。
燦燦浣花詞，磊磊夔州詠。百年歌獨苦，斯語泪
如迸。放舟夷陵後，潦倒春華競。天困萬古胸，抒
發鴻濛性。陶冶不可窮，世秉詞伯政。讀之浹數

旬高齋風雨併旣哭復還歌枕藉以爲命斯人
竟已矣慙焉心如恚

讀李太白詩

三謝與鮑庾江左稱獨步太白更絕塵汗血如
飛兔擲筆振金石有文懸瀑布萬象羅胸中百
代生指顧是氣曰浩然不祇爲章句沉香亭畔
詞諷諫有微趣奴視高將軍才人詎能慕羽翮
落九天掛席逐烟霧畱滯東魯雲躡躑采石路
我思汾陽王再衍晉陽祚云誰識此人青蓮慧

眼故無知功未酬夜郎竟遠戍璘也實蠢愚偶
而被寵笄龍章與鳳姿豈若爭食鷺古今稱謫
僊斯言良不悞黃金如可成須並子美鑄

夜醒

春夜宿齋中睡醒覺夜永呼童然膏炷四壁有
餘炳長安百萬家悄如太行嶺犬吠時復聞精
雪起空冷耳目俱寂然中懷獨耿耿乃知墮闕
地未嘗無真境不必聞晨鐘遽狀有溪省

五子咏

楊猶龍

楊子氣豁如愛賢如不及賦詩敵少陵感慨時
欲泣嵯峨萬仞岡振衣自獨立每見必怡顏清
風穆可挹

魏環溪

吾宗雪齋子屹然古人風苞苴不敢至門庭閒
若空歲食并州米疏震日華東鄭公猶可見翹
首送歸鴻

曹厚菴

厚菴精名理著書繼濂洛體用既兼全聖道豈
如蟬訓士良有方由博以返約一疏振紀綱千
人自諾諾偉哉文清儔大雅欣有託

申鳧盟

風雅道寢衰百家矜藻絢孰識古人心清微自
相禪平子有奇姿氣高體亦變高齋素論文未
覺隙光宴

郝雪海

郝生不羈士冰雪靜聰明方畧萬人敵抵掌死

生輕志大才頗疎飄泊中山城我欲往從之其
作千日醒

選唐詩清覽集作

鴻濛啓元運靈淑鐘人紀喜起肇賡歌風雅隆
周祀漢魏有升降六朝多靡綺卓哉貞觀君世
濟擅厥美磊磊富瓊枝寧獨杜與李歷下重格
調竟陵采幽旨遙遙古人心笙竽若隔耳大道
已曠邈澆氣顧莫止鎮以中和音萬物返其始

選清詩觀始集作

人心釀世運世運變人心盛衰既通轉治亂亦
相尋羣生天地間激蕩成謳音鴻纖既異致雅
俗判高深聖主闢文運羣賢慶盍簪篇什多古
風聲價重球琳寧敢繼絕筆所願正哇淫

咏杜

老杜才名高萬丈誰云刪後更無詩此豈人力
之所爲山川風雨發其姿玲瓏刊盡琅環秘饑
寒迫出奇崛詞文章自不關花鳥性命深沉乃
出之亦知不祥造物忌原非富貴飲啄資但快

狂言喙三尺安問令名垂來茲

過楊忠愍祠

我行八月燕山道○白溝河邊秋欲老○堤平沙靜
雲不飛○易水西來波浩浩○道傍舊有椒山祠○忠
魂直上逼蒼昊○拜瞻公像起徘徊○漣泣再讀擊
奸草○奸人殺公公不死○藏血化碧不可燥○灼灼
星列是公精○千年歲社隲○蘋藻世蕃之屬獨何
爲○嗟哉豚鼠多顛倒○

初春西望積雪漸融蒼雲間之其狀萬變

子瞻以雪浪名石余當移以贈燕山矣
賦成書奉猶龍坦園二太史

西域有山真奇絕蜀中西望惟積雪大海春江
水甲翻勢捲層冰大地折巨靈忽移向居庸幽
燕兩月飛瑤屑北山之陰太白封南山之陽雪
如瀑布流淙淙我行立馬不能去徘徊若失心
忪忪平巒高岫誰能辨疑是錢塘潮起廣陵濤
怒瀾天瀾瀾舞蛟龍坡公之石善自供何不觀
此嵒嶠之奇峰中有太古真元氣玉璫萬頃堆

芙蓉野人新得白鶴氅便欲凌波盪雙漿山靈
遮莫笑顛狂泛箬飛渡誰同往

桃源行

有序

昔晉有高士陶淵明置身三代歎其身
遭劉宋禪代之際世之人莫已知也故
作桃花源記綴之詩以自明其古處其
文云此中人語云不足爲外人道也嗚
呼非此中人足道乎又云劉子驥親往
未果後遂無問津者嗚呼非其人津可

問乎乃唐人如王摩詰劉夢得韓退之
等皆以桃源爲神仙而東坡亦不能辯
以爲漁人所見乃避秦者之子孫是皆
無異於說夢也余嘗熟讀陶集偶有所
見擬作數句雖詞意膚淺庶幾窺於作
者之意云爾

淵明自謂羲皇人作爲詩記擬避秦秦人宋人
一而已詐力簒弑不足詢柴桑自有桃源渡洞
口雲深落英聚鷄犬同有古音聲衣裳不作新

制度此中避世可千年春花秋月自涓涓峽中
不知人何事世人遙望惟青山山色溪光終不
改武陵白雲自相待却笑時人欲問津避秦之
宅竟安在

賦得夏雲多奇峰

五月六月雨時作奇雲蔚跂分錯落條見莽泱
抱日流旋與回風相礪礪亭亭一柱峙太空混
茫元氣通寥廓森森岩岫列千層明霞碧澗耀
丹雘天台鴈宕何足多五岳真容起空漠世人

見雲不見峰豈知峰卽爲雲橐峰雲變化無窮
時造物神力誰厚薄憶昔曾懷向平心青鞋布
襪冠竹籜婚嫁未畢禽慶往誰能支策凌飛鶴
以茲感歎望雲峰醉眼嘗存古丘壑

九日集樸園

移樽登小閣雲物晚來清烟外清砧落霜前白
鴈橫寒山吞暮日流水匝孤城登眺悲今古長
吟賴友生

戊子典試山西獲鹿道中過漢淮陰侯祠

望望行將夕孤城起暮烟沙深遲倦馬野闊響
孤蟬鬼哭韓侯廟雲崩背水川明朝九曲路叱
馭莫遲邇

大漢承天運偉哉命世才土門赤幟出河朔陣
雲開相背豈君意假王是禍胎未央鐘室血憤
懣有餘哀

咄咄刺通計豈知烈士行秘謀羞絳灌武畧失
良平漢世無茅土中原幾戰爭拜瞻遺像肅古
廟近荒城

舍人書不載告變豈無欺赤族酬龍準扁舟媿
子皮奇兵吞趙魏古屋泣熊羆呂雉誠多詐空
令漂母悲

柳墅

雨後園林好褰臨見翠屏荒城平野出孤樹斷
霞停地僻桑麻長人間鷄犬寧濁醪慰父老努
力事郊壩

送友人南歸

山色猶如晉遊人欲向吳輕鷗浮淺渚高鳥下

平蕪澹澹秋雲沒
荒荒白日徂
亂峰戴古驛
征馬正踟躕

中秋夜集

風疎雨亦霽
驚我又中秋
探月疑蟾兔
哀時任馬牛
孤光逐坐遠
浩氣與空浮
楚些歌方續
還思庾亮樓

霜露變歲云
暮耳目所觸
無非淒切音
容之遺每形
夢寐枕上率
成不覺其哀

怙恃悲雙失
淒涼獨此身
飄風拂素枕
孤月冷

松筠尚媿臯魚死徒傷孫綽心嗟哉乘化者松
梓自爲鄰

過傳掌露太史曉園

自有滄洲意滿狀三徑清藉花能醉客坐樹不
妨鶯著述淹風雨交遊念死生濁醪君不惜一
啐一回醒

柬友人

天地機槍滿山河景物移丹鷄盟石友柿葉寫
新詩道以遲能重書因悟轉疑中原高戰伐運

僦是吾師

送傅掌肅按察東昌

中年多坎壈同志惜離羣
吹角東藩日藏書大陸雲
素心誰共數佳夢必能分
莫作長沙賦相期有聖君

喜辯若弟至都

二載昆朋隔樓樓未得閒
有懷期對語相見一開顏
秋色移河漢鄉思落故山
惟愁歸計迫獨挾碧雲還

送辯若弟歸里

梁鴻入越日季子遊燕時爲客誰青眼還家是
白眉分金何足語樹德莫如滋尚媿姜家被搖
搖念故籬

送申鳧盟歸干平

結茅洛水上韻骨自珊珊縫掖驚皇甫噫歌避
伯鸞詩名燕市噪樽酒夜燈寒白雪空山裏何
人歌猗蘭

贈成我存中翰

雷同世所尚之子未云狀有夢曾吞鳳無文不
欲仙官飢從僕瘦津要任人先不讀潛夫論誰
知是大賢

冷署垂鞭早出門何所之澄懷觀海嶽把酒論
安危澹澹歷陽樹悠悠江上思蒼生方貼厄雅
志在良時

余家泚水北素與屠沽親愛士豈無癖巷車亦
有人文章知魏古意氣願爲真披對薛書後如
刪五斗塵

春日憶山中園林寄諸弟

雪霽長安道風吹遊子顏
高齋春不暖獨臥夢常閒
古樹家寒鳥白雲鎖故山
同胞應念我何處下松關

送彭子燕又歸華亭

握手卽言別能無惻惻情
詩經燕月老人向灞江清
無語及時事有懷問杜蘅
東南多好友應共聽秋聲

題田髯淵水西草堂

勝事繼雲林幽居傍水潯江天浮樹杪峰色下
庭陰人有元龍氣歌成白雪音穀城石可祀藜
杖許相尋

同文衣子傲夜坐清言

故人不可去移席坐清苔輿論窮天地奇文掣
電雷螢光林外下與色鳥邊來茶氣清炎暑無
煩問酒醅

贈殷伯巖

伯巖魏澤人曾爲睢寧令棄官歸與楊猶龍友又與白涵三講

求性命之學遊五岳名山能詩戊戌秋至都卽旋余賦此追贈之

不作淮南令歸來事桔槔
名山多杖屨田舍有風騷
爽氣虬鬚動清言河漢高
卜鄰已有願終共隱蓬蒿

燕臺秋興

北平千載興王地況是澗瀝定鼎時
三輔材官雄虎豹九州牧伯理瘡痍
翠華警蹕天威肅宮闕參差夕照移
何事荆蠻獨未靖十年戎馬亂車麾

西苑粧樓餘廢址世宗芝殿鎖荒芊
不聞葛藟

箴彤管空採丹砂羨倥傯太液晚波翻漢月曲
江細柳動秋烟翠微北望諸峰杳古木龍鱗已
有年

黃金雖係尋常物好士能畱萬古情歲晚清笳
悲戰壘風高落木響孤城劉蕡對策身空老賈
島能詩暮已耕痛哭呼天頻悵望誰將國士遇
荒倉

洪流浩浩百川騰昏墊頻嗟歲不登瓠子築宮
空往事淇園槌石竟無能蒸黎家室隨魚腹天

卷之一

地江湖賸釣骨側席近聞思讜論何人慷慨咏

春陵

時河決久不寒

蘆溝橋畔山烟積銅馬門前秋草隕
畫角聲隨鴻鴈度黃蒿城放橐駝回
時艱欲上安邊畧國訃歌庸治賦才
歎息豪華成寂寞嚴城風雨晚砧催

燕支黃葉下桑乾八月幽州霜露寒
歌舞笙竿喧九陌王侯甲第壯三韓
旌旗遠障飛狐塞烽火遙通雲棧盤
安得伏波專閫外封疆爲請一

泥丸

悠悠坐憶東籬菊
悵悵時懷幾鯉書
稽古桓榮終見用
散金疏廣可能如
霜黃梧碧侵寒月
秋老丹楓向索居
鎖闥幾年隨曉仗
爲郎皓首漫躊躇

複嶺重關勢若奔
皇畿形勝建瓴尊
盤龍踞虎來天險
帶濟襟河入薊門
重譯何年通越雉
乘槎有使問崑源
宣雲密邇神京地
鎖鑰還應奠右籬

遊西山桃源洞

何人移植武溪花石徑盤回靜不譁
靈洞千年藏日月幽巖一曲抱烟霞
因茲象子來猿窟貪看白雲見鶴家
回憶當年燈火處依稀篆草護籠紗

白青玉楊喬雲同舍弟辯若涵一暑月作
課喜而爲賦

廿年幽事寄縹緲酒竈茶鐺意不忘
析義須當存正始論文直欲夢池塘
黃扉久誤桑麻約白

社重披荷菱香倚玉應知多樂事悠然風雨話
聯床

夜不能寐思先嚴

鴈塔當年志未酬而今雲落向山丘幽人共說
龍蛇恨孤子常懷蒿蔚憂七代褒封畱世冊三
年血淚灑松楸親恩罔極終難報手澤慙慙付
校讐

思母

風木淒其嘆露晞萱庭黯黯不停暉几筵尙在

音容杳杳槐空留視履非急雨亂飄寒砌響斜
風猶傷舊幃飛額中犀角今微矣馬鬣白楊淚
涇衣

又和辯若諸弟重陽登崔府君廟

年年曾此對青樽臺上蕭蕭靜掩門因慕信陵
爲俠舉深慚康樂醉高原黃花入鬢青山淚白
鴈翻秋野水繁安得連床風雨話著書更欲扶
天根

舊是桃源聖德邨每逢佳節倒青樽太行西去

烟霞窟驛路南來羽檄繁樹老秋聲雲自幕人
揮豪句筆如奔先朝司馬多功業古岸潺湲流
水痕

先坐
在廟北

和梁敷五太史雨中見懷

連朝風雨散空濛高韻常懷孤嶧桐已召雲嵐
爲侍史肩將花鳥負東風叅玄枯坐涵神劒琢
句長吟付楮公聞說兵厨籜竹葉訂期促膝聽
秋鴻

和梁玉立秋日見懷

故人弱素時相聞當代龍門獨有君
臭結芝蘭因世好交同管鮑託鴻文
風流共美人如玉偶儻爭歸氣若雲
水漲渟沱秋漸老蒹葭高咏久陽曛

春日過蘆溝橋

桑乾直下連滄海天矯青龍接御堤
寥落長空寒過鴈蒙籠烟樹曉聞鷄
香山晴氣歸雙闕榆塞風霜上馬蹄
咫尺五雲頻眺望春風已到帝城西

秋夜

雪霽霜飛夜不明，怯寒兀坐牀。
孤檠嬾翻鄴架，書千卷長嘯庾樓。
月五更自是違時同，叔夜猶
臥伏枕愧虞卿。羈懷暫作鄉園夢，驚入疎櫺落葉聲。

墨坐書灰片月明，開樽揮影亂清檠。
卜居龜策頻濡滯，閱世滄桑幾變更。
幸有硯田娛歲月，肯將傲骨媚公卿。
故園蕙菊今搖落，長憶寒林鴈鴈聲。

和法黃石太史

寵辱從來夢不驚
醉中風雨暈潮生
天涯黃霧常連塞
海上青山空有情
應馬呼牛甘大隱
栽松種秫漫逃醒
盈虛莫問君平卜
已見朱門蔓草榮

贈申子晃盟

定交杵臼問楊子
倒屣迎門我亦欣
人若伯鸞夏甫輩
詩猶河漢梧桐篇
蘆花洛水今將老
秋月燕山且共憐
世事名心久寂寞
看雲他日傷

君嘔

和亦菴金年兄夜酌論詩作

數載玉堂風雨懸偶同樽酒倍愀然治安有策
長沙涕流徵誰歌宋玉篇霞捲夕陽開遠岫雪
融瀑布掛飛泉懷君兄弟如康樂剪韭炊梁已
有年

吳駿公贈余有自是漢廷真諫議蕭王陷
上賦東都之句賦此荅之

雄譚相視密懷孤竹檻高齋鳥共呼燕市悲歌

多酒侶延州風雨半平蕪
文成絕調空春雪道
有冰心在玉壺
北面丹書須帝佐
豈因作賦重
三都

飲右軍齋中卽賦並約天寧寺之遊

六尺方床日照初
科頭翫世自徐徐
談玄頗勸
高陽酒問字時來
畫舫居折檻昔曾
干帝座絕
交今欲著新書
青門擬赴招提約
踏屐飛花春
雨餘

送秦畱仙檢討請假歸無錫

潞水澄明一碧流
錦帆人在木蘭舟
詔書下殿
縈公緒才子臨江繼少遊
座有青袍非劍俠
檻依紅樹是高秋
惠岩幽處泉淙冽
安得從君汗漫遊

送王雪麓之鳳陽

辟疆曾共論新文
結綬彈冠氣不羣
爲有皇華星作使
可憐青眼望中分
軺車疑帶行山色
桂楫猶沾大陸雲
淮甸瘡痍今未息
好將民隱奏吾君

和高陽李坦園相國

無才寧敢玷崇班
歲月驅馳指顧間
縹緲五雲瞻紫極
逍遙一杖到青山
太平春酒人同醉
柳墅茅堂天賜閒
自有夔龍思補袞
蒼蒼求舊可
能還

和寶坻杜純一相國

版泉南度近恒山
却望彤廷豹尾班
自是長孺多卧病
非關白傅愛投閒
當公綸綍憂勞日
愧我雲霞縹緲間
此去杖藜尋藥餌
何時咨儆覲

天顏

讀東鹿李方巖楚遊草卽贈

一卷新詩楚水頭
歷冬及夏始廻舟
雪飄僧舍茶煙歇
晴看高峯酒力稠
慢世敢誇鸚鵡賦
逢人先解鷓鴣裘
可憐逆旅輕奇士
芳草王孫自倦遊

夏日同李方巖張元裕過雕橋尚書里遂至石屏禪院

蘭若幽棲遠市城
西南形勢翠雲橫
細泉斜映

池荷色番葉深藏好鳥聲
偶借禪床分午夢便
携村醴過柴荆野人不必知名姓
十載蓬萊殿
上行

過樂武子祠懷古

有客衝炎到古臺
淒涼祀宇使人哀
風搖麥隴
雷殘粒案缺爐烟有敗灰
大陸東瞻水欲涸
太行西望翠成堆
歸來重檢丘明傳
誰是當年僑
盼才

九月同諸友昆弟子姪登高

令節逢時未可辭素心仍與故人期興高猶側
龍山帽足健無庸藜杖持古道秋風自爽颯東
籬菊朶任淒其登臨好友多求仲何獨浣花解
賦詩

選勝尋幽此地偏古臺突兀立平阡一灣野水
來城下幾處晴嵐插遠天黃菊未開人自醉茱
萸共佩氣如仙登高纔罷旋垂釣一棹蒼茫入
碧烟

贈何誕登僉憲

梧垣幾載諫書陳見妬蛾眉氣已馴
飲酒讀騷真國士栽花種竹卽閒人
子規啼徹岷江月正馬踏殘白帝春
近欲卜鄰居後巷清談夜坐豁吾真

讀陸務觀劔南藁八十五卷終

南渡詩家有放翁才高不與衆人同心
如秋水湖千頃筆抵春山翠萬叢報國
有懷入畫角學仙得力似冥鴻晚年獲
此真良友寒夜蕭蕭醉碧筒

先子築樸園內有八景幼業其中憶作八絕

嘯木層

崇砌步超狀森森古木侍層臺咫尺間便有萬
山意

聚遠樓

茲樓名聚遠所聚竟何物山色從西來白雲自
淝沸

慧香廊

春在歲粧中衆芳噴不歇心幽得妙開皎皎花

問月

烟雨池

秋潦浮積翠空沼自潺湲
菡萏開還落幽人垂釣閒

枕奎閣

凌虛貯鄴架井榦掛文昌
應有筆花夢時時到墨莊

畫舫居

數椽雖近市寥落與天遊
載酒詢奇字拍浮

醉侯

垂虹亭

城隅集暮靄樹杪隱孤峯谷澗來霓飲烟光復
幾重

澄觀

人皆以目視而我以心觀觀亦同無觀盈盈一
水看

猶龍與文衣詩有夜雪打空廊君詩在何
處之句文衣和之余步其韻

夜雪打空廊梅花窗外冷寒香初放時高韻何
人領

夜雪打空廊不知花落處只在風雪中風亦吹
不去

夜雪打空廊不聞夜雪響幽人正未眠澹然無
所想

夜雪打空廊迷却天邊樹孤舟一釣翁自識江
上路

夜坐偶題

南陌落花多北窗啼鳥靜焚香復捲簾獨坐心如鏡

暑月露臥

燒夜炎風不肯停閒移繩榻趁孤螢袒胸跣足
叢陰下臥看長河沒曉星

漫興

索米長安衣帶寬故園春草路漫漫夜深忽作
梨花夢誰倩宮中賦晚寒

寄滑蔚州

復見雲中有孟舒脩狀兩袖矢懸魚山城白日
渾無事琴鶴庭前讀素書

題大司寇李五絃陳美人遺照

自古佳人薄命死定知情死情能生君看盈尺
輕綃上尚有珊瑚骨欲鳴

東阿縣南渡河

長途驛路出東阿草色蒙茸秋色多馬上不知
身在魯臨流錯憶是滹沱

遊韋公寺觀海棠

太真睡起意嬌狀香國紅霞亂遠天我欲結巢
花頂上同君登木共盤桓

小引

魏子曰唐以詩取士求其勲譽並隆者不數見
焉孟襄陽杜少陵名震矣不能裕其身宋弘農
王汜水身昌矣不能全其名徘徊三百年間惟
魏鄭公張曲江裴晉公數君子相道與詩聲競
顯他如姚宋之倫雖曰功業甚偉也而明堂郊
廟之作不足以鼓吹休明噫何其難也今高陽
李師相際

國家右文之盛承文敏公世掌絲綸著爲詩歌

以黻黻皇猷時則有若陪郊祀時則有若從講
幄時則有若宿內直時則有若扈鑾與侍譙享
咎內賜靡不有詩寓內風雅之士播誦其篇章
不啻唐虞之賡歌成康之陳頌有臯夔周召風
焉憶余垂髫時學工詞賦見師相仗節入閩陟
仙霞渡漁梁過黥淡洪濤迢遞七百餘里復自
洪塘發棹逆潮延津藉八閩奇峭之山川譜一
掬靈明之幽奧歷今幾三十載猶口誦其篇至
戊戌甲辰間師相兩總春闈家駿石念在咸受

一日之知手抄佳詠光余詩持之選業已紙貴
洛陽茲孔觀察心一復取師相心遠堂全集屬
余論定上嗣十二代之傳譬諸水焉之江之漢
之淮之河疏派分流胥朝宗于海也譬諸樂焉
黃鐘大呂並奏闕廷而笙鏞祝嘏之皆細響也
師相之功顧不偉哉彼鄭晉曲江諸君且三揖
而讓之矣

百家詩選

福清魏憲惟度輯選

曲阜孔胤樾心一石門勞之辨書升

恭

南昌熊一瀟蔚懷南城吳學炯星若

李

霸宇臺書號坦園高陽人

郊居卽事

中夏暑猶薄晨光引遐矚夜雨濕邨烟四野皆
新浴萬樹靜微風平疇凝一綠遙田當我樓可
以時寄目鷄豚識原埜烟火辨茅屋策杖羨老

農蚤起察種稂悠哉天地意萬化於此足

秋日

朝出城南門秋氣相侵凌郊原一蕭條百草愁
不勝豈無時序悲所慰禾黍登微生固有分其
敢忘風興

秋感雜述

四氣遞生殺所任暑與寒隕霜死百草曾不遺
蕙蘭大運一以傾愚哲寧殊觀身世兩相委落
葉隨驚湍下士逐憂樂戚戚不自安胡不採物

化榮悴固有端

中庭雙紫薇光蕤夏及秋誰使花不實歲晚成
沈憂結條未堪贈委砌無人收美人感幽獨坐
對西風愁我生同物化芳妍詎相借况復白露
時單衾怨遙夜

苦竹亦有節寒菊亦有芳哀此簷際花蕭瑟萎
嚴霜物性異貞脆順受固其常柰何末世士局
促失行藏

繁霜銅地脉凝陰陽氣窮落葉積庭廡枯條鳴

北風田家歛農器羣務皆休工悄悄念終古有
愁無由通補醕以諧世崎嶇違深衷

春日遣興

冰雪氣漸遠頗覺天宇和西望歛朝烟峯影晴
翠多社燕葺故壘庭樹振柔柯羣動紛自適我
寧憂虞羅白眼向今古浩浩一長歌

積雨秋夜讀書有懷田里

幾日碧蔭合客庭閒且肅溼雲低護簷飛雨涼
濺燭永夕幸無營閒卷破幽獨息念攻羣疑觀

生驗早服四年隔鄉園五畝荒穰今秋霖潦
過奔流漚平陸漁舟載戈鋌焚殺及茅屋况復
煩撻伐無地安樵牧遺壘烏鳶肥空村狐狸哭
理亂如相周天心豈難卜

詠史

紛紛七雄時宗周若旒綴世主醉富強人心死
功利禮賢徒虛名賤士工游說從成則楚王橫
成則秦帝山東實屑齒傾詐爭自弊相割委強
秦弱肉恣狼噬吾愛張孟談曲折存趙計吾愛

魯仲連卓犖挫秦勢排難辭成功羞爲浮榮繫
長嘯懷若人千秋氣凌厲季子多黃金徒傷身
後裂

漫興

露結庭始寒木葉稍欲脫夜長秋分後待旦渺
難達欹枕聞嚴更栖鴉冷相貼枯蕉集微雨蕭
森涼氣闌勞生竟何成歎息時已末諒無羽翼
期瑤華安可掇懷哉滄洲人晤語庶當豁

九日登歸義寺閣

日月協陽數嘉名昔共珍客懷非一感睠焉追
同人野逕入幽寺地偏趣易伸高閣豁遠目物
態一何新風日午方暖雲木秋逾真澹蕩衆山
色蒼莽九衢塵爲歡幸簡率盛氣無逡巡誰能
愛清醒坐負百憂身

久旱快雨竟日

伏後數日風秋行百物瘁昨夜猶繁星茲雨出
不意土潤適宜時况爲滌炎熾早霞映窓紅俗
諺乃足誌翻盆聲砰洶決渠力犇恣百川會神

靈九陌怯塗堅驕陽歷三時疵沴蒙動植霑灑
雖時有滋漉今方被一洗瘡痍蘇晚收田畝利
草竊得銷亡兵災俱偃避共覩熙穰時重乾子
遺淚區區持斯願天心或不棄

秋五咏

參植雜卉迄秋榮瘁不一杜門多暇擇
其可以寄興者五各系四韻時或展諷
以醒倦臥非曰觀物有得也

竹

去年僦作君今年抽新筍脩脩數十竿青翠自
相引對之終日閒頗使幽興盡無爲愁西風不
隨秋霜實

蕉

芭蕉陰乃滋得雨時已晏夏風息侵凌晚色稍
蔥蒨綠衣彼姝子長袖如舞扇卷舒得其宜終
始庶相眷

槿

種松材難成種槿花易鮮朝榮暮已落盛衰如

眼前物理固不一脩短同所天汨汨世故中愛
憎誰使然

榴

盆榴植數年紅芳一何茂累累懸枝實獨耀秋
霜後惜哉阻遐遠不得榮俎豆馨香不常好臨
風爲三嗅

洪

馬蓼本微物移根幽人側剪拂日以長照灼弄
顏色非供耳目玩尚有江湖憶安得返故藁悒

悵秋氣遍

秋日寓感

歷歷泣景市勿勿芳歲搖客心久濩落秋氣仍
蕭條在戶有蟋蟀抱葉無鳴蜩斜日明空林商
聲隨驚颺陰陽默嬪代巧智日益雕衰榮轉相
伺如彼莫與朝有形無不盡金石溘焉銷寄言
南山松無爲化後凋

候迫無淹晷秋陰易爲莫閒堂向夕開清燈耿
幽素夜久羣籟息征鴻數聲度感此不成寐

予中庭步仰眠流雲繁翬藹寒月露河漢西南
橫衆星爛以錯已矣何憂虞闕哉此天路

余本躬耕士早耽田畯樂霜期滌場後百穀亦
已獲歲莫羣役休鷄犬偃林薄隣里時招邀濁
酒共斟酌世事若反掌人境兩零落昔歡百無
一長懷負夙諾武備正未弛誰能念藜藿還瞻
故里墟寒莽宿飢雀

初發都門

六年束吏舍所向困局迫出郊茲晨始豁若契

龍釋望山懷故栖遵途惑新陌回首魏闕高塵
沙黯將夕軀微墮世晷拮据事行役豈無四方
志悲與親愛隔曠寂均若樂浮生安所擇起滅
情無端沈思莫能擲

便道過里

匆匆車馬至蓬戶散雀羅開扉掃塵榻陰森氣
未和遺友三五人携酒相經過道昔如失夢間
名幸無譌意色共憫悵慰藉翻滂沱慙其斟酌
厚微酣成悲歌悲歌何所云人少豺虎多

望惠山

弱懷結奇尚遠遊欣必遂當境何多乖投緣似
相避惠山挺吳璫一水入遙眊佳泉耀茶經夙
聞已神醉陂陀間高下林壑布森邃少歛雨餘
雲微辨烟中寺騷騷南風逆澹澹西日墜瞑色
野蒼茫遽失諸峯翠征驅束嚴程愈信簪組累
遐期汎秋濤庶滌山靈恚

胡予袞偕汎西湖

良朋佳山水際之號奇遇尤奇旅役同而盡天

涯趣聊興出城闌環峯眩初顧舟楫味久諸壺
觴煩夙具澹瀕風不停激泓石可數深深清我
襟初夏失蒸煦篙工逆施勇風顛白浪怒雲波
怳惚中如有靈怪聚四山窺碧匱萬頃青鏡布
明晦一以殊形詎能措竹覆六一泉鶴去林
公墓肅哉千古入胡爲歌酒污深探乏濟勝非
獨豺虎懼杳杳長葑青踟躕斷橋路

僊霞嶺

雨破炎風涼吹我僊霞嶺途改旅思新力盡崖

路永迴合目易眩盤陡步無整衣穿白霧濕肌
濺懸流冷低眊飛鳥背仰接奔龍影挂樹猿狖
閒蹲石虎豹猛天近雲車翻嵐沐烟鬟靚蒼黑
杉百丈慈蔭竹千頃唯肯此設險巖關隘要境
事去衆志非金湯費藩屏盜賊尚藁嘯嶮隘尤
多梗世人競捷足及茲未易騁

舟發浦城

地形下東南灘溜如矢疾客行衝霧雨扁舟僅
容膝粼粼沙痕高齒齒石鋒密礪礪中流鉅

細狀非一狹逼驚濤飛深沸漩渦溢舟楫巧糾
避簸盪神先怵篙工一失手勢爭洪波汨苑蒼
崖升稠奔激岸峯萃駭奇豫初覽煩促厭縷述
乘流怪浮生坎止私願畢

徃復過將樂以不得遊玉華洞爲恨

伊余滯京師每作雲林想薄秩苦維繫不得遂
長徃及茲遠行役萬里環輪鞅雖倦馳驅勞謂
仲夙昔仰鏞州富岳窟玉華號幽廣宵冥鍾瓊
異蒸瀟幻物象昔過嚴程迫今歸滛潦長逢人

詢髣髴驚暗徒惓惓神境隔塵俗劣賦慳靈賞
乃徵造物緣離合莫能強

黠澹灘

黠澹奇多名黠澹不可觸我來值水殺洪流尚
奔瀾巉巉萬石齒叩布無遺囑直下磯勢阻逆
陟峽形瀛當其汜濫時拍天激浪酷行于推畏
途咫尺隣魚腹岌岌牽一筴旣劇垂堂蹙長年
氣整服漿柅理詳熟仰涉凌飛濤石罅妙紆曲
進止有餘裕操持快心目因知濟險者所負必

素足庸夫喜大言遇變手恒束

高郵湖

偶爲乘風行清曉帆力足輕陰遲晨光烟姿澹
相屬扣柁溯邗流去鳥翼同速指顧度孟城一
葉入澠綠平湖始何代龐爲衆壑腹空明勢無
極一一細紋蹙雨色東南來波靄共萍逐遠近
水態更葑蓼靚膏沐茅茨瀕湖氓婦子臥溝瀆
媿余力匪及徒取媚旅矚

洗象行

長安好事三四人，偕我城河觀洗象。
金火交爭，當此辰烟開清旭，涼風蕩傾城。
兒女叢摩肩，曲岸青茸地，閒敞龐形紆。
步來何遲，錦衣花毼，謹廝養象奴。
控縱樂隨手，羸蹠盤據，馴所往四體。
頑笨運以鼻，屈伸掉掇，役如掌。皴皮出沒，蒼山
頽鉅齒，掀拏白波，仰下蹈泉窟。潛龍驚高激，飛
流迅雷響。此物初從南徼至，日陪羽衛光儀仗。
闕鷄舞馬蹟已非，倦遊一闕空遺想。瑤光降精
或虛傳，俯食芻豢悲羈鞅。君不見焚身之愚自

古嗟回首簪裾意懶悅

鳴箏詞

縠帳涼生屏華燭。蘭軒半敞人新浴。手停團扇
揅冰綃。調箏聊按歸風曲。繁絃本自號秦聲。况
逢趙女顏如玉。皓腕頻低。雁柱移金鈿。纔卸蛾
眉綠。大絃沉沉小絃起。初爲黃鐘後清徵。百種
幽情十四絃。殷勤排當憑纖指。春葱脆瑛玻璃
甲。批撚搗挑皆有法。曼聲睨睨鶯囀花。急響飄
騰泉出峽。俄翻苦調變陽和。颯然霜霰來庭柯。

驚鳥膈膊羽相亂。高天爛爛垂星河。將迴復引。
怨思多。悲生樂極翻滂沱。等平信工情則那曲。
終掩袂。四壁靜。竹稍忽墮流螢影。

搗衣曲

旃檀爲杵紋石砧。先搗征衣後錦衾。征衣遠寄。
交河戍。枯草飛沙沒行路。錦衾憔悴伴空閨。玉
顏無夢中宵啼。啼亦不可歇。夢亦不可成。欲識
君邊刁斗恨。試聽妾處搗衣聲。

北風行

北風吹海水千丈寄書鯉魚不得上今年淚死
芙蓉花月醉鸞篋夢惆悵銀臺金闕弱水流徐
市僊去復何求相如自負茂陵女非爲閨中吟
白頭

空城雀

官倉鼠常苦肥空城雀常苦饑饑者遠羅網肥
者瀕災危朝飛蓬蒿間暮宿蘋垣裏啾啾引羣
雛鷹鷂不屑視君不見楊雄執戟耳寂寞終令
奇字催投閣可憐不及空城雀

夜坐吟

虛窗月白宵向分，寒燈穗落酒未醺。
微吟孤坐情思紛，庭烏膈膊聲相聞。
烏聲吟聲同殷勤，同殷勤兩懊惱悲離羣。
思遠道

邯鄲才人嫁爲厮養卒婦

趙女如玉顏，曾入趙王宮。一朝得新偶，雙棲馬
廐中。榮悴不自知，委身亦何窮。時憶叢臺宴，歌
吹夜魂通。灼灼瓊樹枝，飄飄逐枯蓬。太息驗物
理，愛極良鮮終。勿憶深宮寵，勿謂厮養賤。不見

薜蘿草生滿長門殿

感秋雜詠

曉

清旦氣激肅况當秋欲闌
平林薦初日餘夢受
新寒苔露冷猶照隣礎
急稍安不堪將短髻坐
對歲華殘

風

庭前芳菊枝蕭瑟不勝吹
落日忽相別虛堂君
自知傳香隔疎幌驚露
散清墀秋夢還堪寄相

從去海涯

水

臨流同落落而我淨秋心清影一相照孤懷千古深
寒鷗耳浩蕩墜葉怯浮沉因憶山窻下聲
聲瀉素琴

砧

秋聲非一感砧杵亦年年歎息隣家子低徊擣
練篇明河樓角注暗露竹稍懸欲待虛窻月勞
君伴夜絃

竹

恃爾爲寒友非徒共隱居
秋風時自許苦節意何如
籜隕龍孫瘦霜凝鳳尾疎
夜看千尺影落月照簷虛

蓼

娟娟如有恃水際闌明散
歲晚西風急孤妍合自藏
溯洄成遠道慨歎隔中央
只有洲前鷺相看得並行

草

遲暮難爲色秋風可柰何夾堤看雨霽接塞入
雲多古道唯車馬深宮亦綺羅明年春盡後相
約憶山阿

葉

城城不相宜迢迢望故枝憶君風雨夕愁倍落
花時餘綠爭苔色新黃與菊期空堦幸堪託藥
竈亦安辭

鶴

浩然雲外念江海惜平生近砌終難進懷人寄

一鳴稻梁寧折節軒御久遺榮雖獲幽棲伴翻
傷羈旅情

鴉

寒雲去欲盡隨意點平蕪不惜中庭樹何嫌曠
際呼風枝搖夢數霜月背羣孤南雁時相問秋
期到爾無

蟬

夜久如相警微寒敢告勞隱居孤樹密秋氣一
庭高潔飲艮殊衆廉聲畏見褒客心知未厭寧

惜伴蓬蒿

螢

微光惜自隱辛苦度疎簾近扇風相借當堦月
不嫌莫因名熠燿漫欲鬪輕纖秋盡年年別寒
叢憶爾潛

七月三日

三日驚秋早虛簷走宿雲遠蟬風外斷輕雨竹
邊聞戰伐鄉心擾寒喧歲序分空將搖落意吟
眺送斜曛

十五夜月

輕烟向暮收清鑒，正當樓萬里陰晴合。中庭瓜果秋冰霜，侵袂起星漢。入簷流寂寞，霓裳拍無因問舊遊。

瓶花

幸爾伴幽獨，兼無風雨欺容華。如可久采折，豈非宜色靜香虛。牖心傷別故枝，物情違所性。珍惜詎能知。

泡子河觀象臺

卷之二
泡子河邊路曾經全盛時青山催馬齒朱榭失
蛾眉病樹生枝禿荒橋度板危試尋絃管地蛩
語滿秋籬

前代占天處仍餘觀象臺重黎湮掌故茲默自
昭回推測應多跡興亡不一哀麻衣曾待此猶
識古城隈

宿院卽事

嚴儼直承明霜濃夜氣清長河殘月暈老樹凍
鳥聲黃紙緘書秘青綾幙被輕同人話未已宮

漏欲三更

復次白蓮驛

一隙兵戈徑微軀此再留青楓傳戍火白石淨
溪流砦閉雲霄隘邨空虎豹遊爾曹昧天命行
旅得無憂

阻風野泊

缺岸連叢篠蒼岷冒黑雲捲蓬風力怒觸石浪
花分酌暗螢徐下眠驚虎夜聞境緣奇不厭漸
習遠人羣

金山

窄堵波何壯窮攀七級顛蒼峯低四向白日黯
孤懸霧合俯忘水風吹漸及天高寒兼險寂旅
鬢怯留連

開卷

展見方收雨風清已戒寒城高淒鼓角山淨出
峯巒明目黃花枕科頭白竹冠無聊思古處開
春白相寬

白雲觀次石生給諫韻

何地尋真隱珠宮一畝隈風烟孤堞迥雪色衆
峯開事逐白雲去人騎黃鵠來探奇不覺遠野
興自相催

殘碑拂蘚字廢殿冷香烟妙諦丹砂隱遺名白
日懸藏舟人不免拔宅事虛傳儻遇長春子君
從乞大還

促織

語默非由已微生二氣間空堦如有約秋客獨
相關月魄寒羅幕機絲損玉顏勞勞悲衆籟委

化未能間

送友人守蜀

聞中天外路五馬暎朱轡
郡是重遊地人餘轉戰魂
隴雲埋棧道巴字識江痕
木落千巖肅同誰聽夜猿

直西苑紀事

太液通天漢千年帝澤深
飛梁虹影臥遠榭鏡波侵
鷺立沙洲靜鶯啼灌木陰
金門饒隱趣此地卽雲林

永日閒簪筆沿堤步偶長輕鷗風翮健老樹雨
聲涼指顧寥天外追隨大雅傍還期明月夜尊
酒就波光

秋海棠

偶被昌州號何須工部詩丁香垂蓓蕾卯酒暈
胭脂莖弱西風怯葩鮮曉露宜最憐涼月夜翠
袖倚疎籬

葡萄

涼蔭仍高架秋深綠未殘朝瞰明馬乳夜露濯

冰丸沆瀣流金掌馨香薦玉盤一從隨漢使鄉
國路漫漫

郭外

近郭誰家墅幽尋偶到門短籬藤蔓老喬木烏
聲繁秋色遂如此客懷無與言翻愁逢俗士車
馬隔林喧

武閭監射再宿金剛寺呈梁玉立大司馬
劉淇瞻李漢清二少司馬

再宿招提境三年迹轉新清砧前度柳樹此

時春推轂先樞長披襟得故人屢偕過冀北尚
愧九方歎

送金子京

抱玉空歸去孤懷困益堅千秋雙白眼四海一
青氍竊祿慙同學窮經負少年離心通越徼天
際片帆懸

秋日子飛小亭觀竹

移得琅玕質蒼蒼繞屋稠風傳天上籟綠澹座
間秋怪石當窗靜寒花綴徑幽相過原不厭况

爲此君留

秋日城西卽事

秋郊朝氣肅蔓草未全腓白露催林葉晨光上
客衣敗塚寒水咽荒墅遠烟微欲覓當年跡同
遊在者稀

送孔心一督學中州

列宿光輝勳紫庭文星偏照大梁城登高作賦
枚乘簡按部懷仙子晉笙洙泗雲仍靚振鐸詩
書千櫓久消兵遙知絳帳生徒盛水鏡水壺相

映清

發洪塘抵延津

短蓬永晝唯昏睡
赫日中天苦鬱蒸
三伏去年觀洗象
百僚故事憶頒冰
征夫靡及悲原隰
舟子相招畏友朋
欲御冷風歸未得
奇峯極目大雲層

復度漁梁達僊霞諸嶺

楓嶺梨開各異形
蜿蜒紫氣敞虛屏
洞傳笙鶴僊來往
峽闕雲雷盡杳冥
杉竹較前增老翠
峯

巒終古擁空青此身久擬巖扉住覓路他年是
已經

絕頂誰初一逕開仰隣帝座類崔嵬僧閒施茗
泉邊煮備健肩輿樹杪來雲冒山嵐吹作帶雨
添溪溜響成雷何殊蜀道青天上事去金牛莫
漫哀

秋思

雲淨西山翠影鋪高城吹角曉鳴鳴未聞蹄馬
閒龍盾更見徵兵急虎符露落故宮班女扇衣

霑清淚阮公途中林鳩鳴何早已送霜風逼
槁梧

秋老燕臺接薊門清商朔吹起黃昏轆轤葉下
銀牀靜聞闌風生翠幕翻野鷺自聿湖海宿羈
鴻尚嚮稻梁恩芳洲杜若應憔悴欲采何因薦
楚魂

蒔花

庭除隙地無人至閒課兒童種雜花漸老心情
雖學圃未歸踪跡漫爲家春寒待放亭亭藥夜

雨新抽細細芽誰道荒塲還寂寞繞欄半畝簇
明霞

送王迂叟太常祀衡嶽

前以侍御按楚

送君遠上祝融峯嶽廟馨香肅禮容綠字赤文
神禹蹟金泥玉檢歷朝封乘輅到處探幽勝持
斧當年識舊蹤遊徧洞天憑記取遲余携手訪
雲松

送曹錫餘之鄖陽

終買才名未許過除書新領別鑿坡漸聞南土

烽烟靜况復詞人岳牧多路駐彤幃咨父老囊
餘彩筆壯山河方城漢水同袍遠悵悵驪駒白
玉珂

擬宮詞

惆悵樓東薄命吟昭陽日影夢中沉當熊辭輦
恩難恃落葉哀蟬憶反深自昔丹青能易貌何
人詞賦可回心春風著意鳴鵲鳩紅雨千林恐
不禁

新綠故劍易生疑濁水清塵兩不期竊問絳紗

初繁日何如金屋退閒時照顏不夜珠無色樹
背忘憂草有知從道君恩深似海波瀾洄瀆使
人悲

皓齒爭妍滿六宮專房敝席幾人同蝶隨香袂
時時改柳引羊車處處通歡極那知蓮漏促寵
移不待玉樽空常筵一奏秋風曲始信君王是
化工

洛浦明珠鄭國蘭千秋長擬奉君歡同遊正墮
雲間翼獨舞俄羞鏡裏鵲七寶臺高終怯步六

銖衣薄詎勝寒鉛華不是承恩具斟酌蛾眉畫
愈難

早春赴南苑

新年又復理征鞍御宿風光獨早看堤柳未萌
春覺淺河水欲泮臘知殘馬循馳道行來熟林
映周廬望裏寬更愛西山增氣象千峯積素送
輕寒

重過西苑感舊

馳道荒涼羽衛空重關魚鑰閉離宮一從玉輦

歸天上無復霓旌到苑中
衰柳數株畱返照
枯荷幾葉戰西風
侍臣賸有號弓淚
灑向寒波恨不窮

送楊賢甫副憲祀華嶽江瀆

聖代懷柔秩典章
首嚴嶽瀆奠金方
中丞暫假祠官節
宗伯親頒御府香
挺秀三峯連漢峙
安瀾萬里下瞿塘
新秋莫訝無殘暑
驛路風清白簡霜

遊盤山千像寺

俯臨絕谷仰巉岈木杪行來路幾盤亂石縱橫
疑虎伏怪松詰曲學龍蟠飛梁欄溜泠泠語重
閣天風冽冽寒却恐山靈嫌俗客忍拋鼠翠事
征鞍

題水軒

積潦天成碧沼寬層軒面水得佳觀親添野艇
通荷港更擬漁磯置釣竿潏蕩波間馴白鳥空
濛雲外送青巒何年共解塵纓濯臥對清流一
枕寒

雨遊中頂回香亭

冒雨幽尋已再經，長林秋氣暗郊坰。
水侵野徑縱橫白，雲裏遙山隱見青。
舊識羽流逢道院，還看錦石峙香亭。
高人况復携琴至，一曲洋洋指下聽。

數畝芙蓉錦障齊，清流曲曲抱長堤。
振衣風送寥天外，過雨雲垂上苑西。
隔水笙簧宜遠奏，尋芳壺榼更重携。
儘攬騎馬乘船似，落照籠陰路不迷。

十月既望之夜夢乘小舟入村塲兩岸皆
高柳茅屋掩映大有幽致一叟出迓貌
樸而神清班荆對酌出詩卷相評質如
故交然已而相送登舟成一律贈之云
云寤而失記第五句及尾聯因擬其境
足成之不省何解也

幽居避世似桃源杖屨相迎遠市喧往事開天
談易感慶中解爲開元天寶遺事云云新知車笠對無言岸明
漁火霜凝舫柳蘼寒流月掛村把酒論詩如宿

約却愁別路隔柴門

小圃山亭成偶述

木石相逢眼便青爲山何必問山經
曾聞二壤增喬嶽已有烟霞護小亭
四壁古今同逆旅一卷聚散寄真形
幽尋閒眺無餘物鹿齧松枝鶴墮翎

疎花傍砌薜遮垣曲曲闌干淺淺軒
西岫遙看朝氣爽南榮偃曝午晴溫
聊同金谷銷詩酒不學平泉誠子孫
自笑故園燕已盡雪鴻到處易

畱痕

雪夜郊壇卽事

接地瑤花一徑通。同雲暝色鎖郊宮。光凝玉
輅畱寒照。濕卷霓旌待曉風。永夜茶湯煩羽客。
比隣笑語憶羣公。殘編未盡青燈跋。已聽鷄入
報漏終。

古意

去年送郎去。淚濕門前道。至今不肯銷。點點生
春草。

夏夜

醒愁明月明睡愁明月落醉覺無人聲暗風響
卹析

題畫贈琴客

會得無絃意高情今古同時來巖下坐抱膝聽
松風

題畫

谷口浮雲任卷舒長松永日護幽居置身已在
羲皇上靜對青山讀道書

懸崖飛瀑淨塵埃紅樹蕭疎蔭碧苔
指下高山知欲奏旋呼童子抱琴來

洪水

斷岸危橋水涼沙月寒宿草已抽芽
荒邨破屋無烟火淅淅野風吹杏花

景帝陵

蒼蒼栢栢冷烟凝古瓦頽垣牧豎登
白髮中官扶杖立向人指點景皇陵

天壽山諸陵

石馬精靈汗有無。重煩新令禁樵蘇。應知結恨
三泉下。風雨空山泣湛盧。

長陵

神功聖德峙豐碑。漣澗曾開一代基。玉柳珠襦
無恙否。燕山漆銅憶當時。

崇禎帝陵

龜鼎移來十六年。遺民幾戶住陵前。永和尚食
人俱盡。何意牲牢到几筵。

太監王承恩墓

常侍孤墳傍寢園尚畱短碣表忠魂遺弓當日
何人拾應有銀璫碧血痕

夜行抵湯泉

遙峯望裏影模糊路入荒村鷄犬無新月一彎
殘雪映馬啼歷歷踐冰壺

林幕雜述

萬綠陰森列幕居清談四座興偏餘晚涼藉草
時欹枕夢破風吹一卷書

西苑雨中

紅墻綠柳裊絲絲曾艤龍舟挂彩旗今日顰眉
和淚雨輕風吹上侍臣衣

忽驚急雨戰新荷亂撒鮫珠兩岸多猶見迷離
烟霧裏廣寒瑤島石嵯峨

悼鶴

不見當年丁令威淒涼華表幾時歸廣寒一閉
霓裳闕零落誰憐舊舞衣
雙栖珠樹飲丹泉羽化同歸謝俗緣不學青陵
臺畔鳥癡情重爲世人憐